

**FEDERALNO MINISTARSTVO RADA I SOCIJALNE POLITIKE  
EKONOMSKO- SOCIJALNO VIJEĆE ZA TERITORIJU FEDERACIJE  
BOSNE I HERCEGOVINE**

Broj: 03-34/19-426/10  
Sarajevo, 02.03.2010. godine

**Z A P I S N I K**

sa 67. sjednice Ekonomsko-socijalnog vijeća za teritoriju Federacije Bosne i Hercegovine, održane dana 02.03.2010.godine u 16,00 sati.

Sjednicom predsjedava gospodin Edhem Biber, predsjedavajući Ekonomsko-socijalnog vijeća.

Sjednici prisustvovali:

Dr. Perica Jelečević, federalni ministar rada i socijalne politike, Vjekoslav Bevanda, federalni ministar financija, Desnica Radivojević, federalni ministar trgovine, Radovan Vignjević, koordinator, Ismet Bajramović, predsjednik Saveza samostalnih sindikata BiH, Rifat Mahmutović, predsjednik Sindikata komunalne privrede, Salih Kruščica, predsjednik Samostalnih sindikata državnih službenika i namještenika u organima državne službe, sudskoj vlasti i javnim ustanovama u FBiH, Omer Sikira, predsjednik Samostalnog sindikata elektroenergetskih radnika BiH, Salem Hujić, predsjednik Samostalnog sindikata radnika šumarstva, prerade drveta i papira BiH, Predrag Čović, Mladen Pandurević i Eldin Brčaninović ispred Udruženja poslodavaca Federacije BiH.

Sjednici nisu prisustvovali:

Vahid Hećo, federalni ministar energije, rudarstva i industrije, Nail Šećkanović, federalni ministar prometa i komunikacija, Mehmed Čorhodžić i Miralem Jahić, ispred Udruženja poslodavaca Federacije BiH. Umjesto ministara bili su prisutni zamjenici Stipo Buljan i Izet Mehinagić.

Osim članova Ekonomsko-socijalnog vijeća sjednici su prisustvovali:

Alija Remzo Bakšić, direktor Asocijacije poslodavaca FBiH, Donko Jović, savjetnik ministra finansija, Mubera Begić-Žiga, iz Udruženja poslodavaca Komunalne privrede, Džana Kadribegović, pomoćnica federalnog ministra rada i socijalne politike i Ernevaza Hrustanović ispred stručne službe ESV-a.

**DNEVNI RED**

1. Usvajanje zapisnika se prethodne sjednice Ekonomsko-socijalnog vijeća;
2. Izmjene i dopune Općeg kolektivnog ugovora za teritoriju FBiH;
3. Prijedlog Zakon o izmjenama i dopunama Zakona o Poreznoj upravi FBiH;
4. Zakon o fiskalnim sistemima;
5. Nacrt Zakona o javno-privatnom sektoru.

Delegacija Poslodavaca tražila je korekciju tačke 2., obzirom da se ne radi o izmjenama i dopunama, već o prijedlogu teksta novog Općeg kolektivnog ugovora za teritoriju FBiH.

Zbog obaveza koje ima federalni ministar financija sa predstavnicima MMF-a, prihvaćen je prijedlog da se promijeni redoslijed tački dnevnog reda, tako da je utvrđen slijedeći

## **DNEVNI RED**

1. Usvajanje zapisnika se prethodne sjednice Ekonomsko-socijalnog vijeća;
2. Prijedlog Zakon o izmjenama i dopunama Zakona o Poreznoj upravi FBiH;
3. Zakon o fiskalnim sistemima;
4. Prijedlog teksta novog Općeg kolektivnog ugovora za teritoriju FBiH;
5. Nacrt Zakona o javno-privatnom sektoru.

Prije otvaranja sjednice Edhem Biber, predsjedavajući Ekonomsko-socijalnog vijeća, obavijestio je socijalne partnere da je došlo do promjene na čelu Saveza samostalnih sindikata BiH, te da će delegaciju Sindikata u Ekonomsko-socijalnom vijeću FBiH ubuduće predvoditi Ismet Bajramović, predsjednik Saveza samostalnih sindikata BiH.

Šef delegacije Vlade Dr. Perica Jelečević, federalni ministar rada i socijalne politike i delegacija Sindikata tražili su da se o tački 4. dnevnog reda ne vodi rasprava, sa obrazloženjem da ponuđeni tekst Općeg kolektivnog ugovora za teritoriju FBiH nije usaglašen sa važećim Zakonom o radu i obzirom da je u toku postupak izmjena i dopuna Zakona o radu, smatraju da do konačnog usvajanja i stupanja na snagu tih izmjena na treba vršiti bilo kakve izmjene Općeg kolektivnog ugovora.

Nakon diskusije ipak je odlučeno da će se razmatrati navedena tačka dnevnog reda.

Prije rasprave po dnevnom redu, Salih Kruščica osudio što je Prijedlog Zakona o izmjenama i dopunama Zakona o Poreznoj upravi FBiH bio u parlamentarnoj proceduri, ne poštujući pri tome proceduru u odnosu na Ekonomsko-socijalno vijeće.

### **Ad.1.**

Socijalni partneri imali su tri primjedbe na zapisnik. Prva primjedba tiče tačke Ad.2 gdje je potrebno izvršiti ispravku, tj. umjesto Upravni odbor SSSBiH tačan naziv glasi Upravni odbor Samostalnih sindikata državnih službenika i namještenika u organima državne službe, sudskoj vlasti i javnim ustanovama u FBiH.

Druga primjedba odnosi se na zaključak tačke Ad.3. gdje umjesto riječi "delegacija Sindikata" treba preformulisati **"da se formira komisija koju čine delegacija Vlade i Sindikata"**

Također, zaključak tačke Ad.3 dopuniti rečenicom: **Delegacija Poslodavaca nije zainteresovana da učestvuje u razmatranju ponuđenih izmjena, već su mišljenja da je potrebno donijeti novi Zakon o posredovanju u zapošljavanju i socijalnoj sigurnosti nezaposlenih osoba".**

### **Ad.2.**

Osnovne karakteristike izmjenama i dopunama Zakona o Poreznoj upravi podnio je ministar Vjekoslav Bevanda.

On je podsjetio socijalne partnere da su uvažene primjedbe, prije svega delegacije Poslodavaca, kako bi bile otklonjene poteškoće koje su imali u radu sa Poreznom

upravom. Osnovne odredbe pri donošenju ovog zakona bile su definirati čuvanje tajnosti poreznih podataka i definiranje pojma porezne informacije.

Delegacija Sindikata iznijela je primjedbe na članove 3. 5. i 12a Zakona.

Delegacije Poslodavaca tekst ovog Zakona ocijenila je daleko boljim u odnosu na ranije predloženi, a primjedbe su se odnosile na članove 37. i 38. i to u pogledu roka zastare.

**Uz načelnu saglasnost socijalnih partnera da predloženi zakon ide u parlamentarnu proceduru, s tim da Ekonomsko-socijalno vijeće FBiH preporučuje Vladi FBiH da usvoji predložene primjedbe.**

### **Ad.3.**

Informaciju o Zakonu o fiskalnim sistemima podnio je ministar Vjekoslav Bevanda. Naglasio je da su motivi same fiskalizacije eliminiranje sive ekonomije, efikasnije prikupljanje javnih prihoda, jačanje finansijske discipline poreznih obveznika.

Dvije osnovne primjedbe delegacije Poslodavaca su: generalno, podržavaju fiskalizaciju i uvođenje reda u fiskalnom sistemu, obzirom da su oni najviše ugroženi sa onim subjektima koji izbjegavaju plaćanje poreza. Međutim, smatraju da je zbog važnosti ovog Zakona neophodno njegovo donošenje na državnom nivou.

I drugo, Poslodavci nisu bili u prilici iznijeti mišljenje na tekst Zakona prije nego što je usvojen u Parlamentu FBiH. Smatraju da je to bilo nužno, između ostalog jer su upravo poslodavci ti koji će Zakon primjenjivati. Budući da se trenutno radi na donošenju obaveznih podzakonskih akata koji će biti sastavni dio Zakona o fiskalnim sistemima, Poslodavci insistiraju da njihova dva predstavnika budu uključeni u tim aktivnostima, tj. u njihovom donošenju kako bi se izbjegle uočene manjkavosti.

Prijedlog da socijalni partneri budu uključeni u izradi podzakonskih propisa podržala je i delegacija Sindikata.

**Po okončanju diskusije, Ekonomsko-socijalno vijeće je preporučilo Vladi FBiH da pri izradi podzakonskih akata budu uključeni predstavnici Poslodavaca i Sindikata i da se Zakon o fiskalnim sistemima što prije počne primjenjivati.**

### **Ad.4.**

Delegacija Poslodavaca je podsjetila prisutne da je prije 8 mjeseci na sjednici Ekonomsko-socijalnog vijeća donijet zaključak da se pristupi izmjenama i dopunama Općeg kolektivnog ugovora, te da se treba ubrzano raditi na tome, obzirom da je izgubljeno 8-9 mjeseci. Istakli su da je potrebno dogovoriti rokove kao i način zajedničkog rada na izradi novog teksta Općeg kolektivnog ugovora FBiH.

Poslodavci su upozorili na tendenciju pada zaposlenih, da je potrebno održati postojeći nivo zaposlenosti, kao i na činjenicu da, ako dođe do toga da poslodavci ne mogu ispoštovati Opći kolektivni ugovor, morat će smanjivati broj zaposlenih.

Opći kolektivni ugovor treba biti fleksibilniji i da se prilagodi stvarnoj situaciji.

Stav delegacija Sindikata da se treba primjeniti Zakon o radu kada je u pitanju izmjena i dopuna Općeg kolektivnog ugovora, te da se prvo pristupiti potpisivanju protokola o

vođenju pregovora oko izmjene i dopune Općeg kolektivnog ugovora, kako to predviđa član 33.

Nakon rasprave vezano za ovu tačku dnevnog reda, Ekonomsko-socijalno vijeće je zaključilo:

**Obavezuje se predsjedavajući ESV-a da u roku od 10 dana organizuje sastanak ovlaštenih predstavnika Poslodavaca i Sindikata, na kojem će sačiniti protokol o pristupanju pregovorima za utvrđivanje novog Općeg kolektivnog ugovora za teritoriju FBiH i definisati rokove i dinamiku njegove izrade.**

#### **Ad.5.**

Na čelu radne grupe koja je utvrdila prednacrt Zakona o javno-privatnom sektoru bio je Izet Mehinagić, pomoćnik federalnog ministra prometa i komunikacija. On je rekao da će Komisija za koncesije pripremiti podzakonske akte koji će sa prijedlogom ovog Zakona biti razmatrani na Parlamentu FBiH.

Dok je zakon u formi Nacrta u parlamentarnoj proceduri, resorno ministarstvo je iskazalo spremnost za prihvatanje novih prijedloga i sugestija na ponuđeni tekst, i to organizovanjem javne rasprave u roku od 60 dana, kao i posebne rasprave sa predstavnicima Poslodavca i Sindikata.

Nakon diskusije po ovoj tački dnevnog rada socijalni partneri ESV-a donijeli su sljedeće zaključake:

**Ekonomsko-socijalno vijeće poziva socijalne partnere da aktivnim učešćem u javnoj raspravi sudjeluju u izradi Zakona o javno-privatnom partnerstvu.**

**Ekonomsko-socijalno vijeće traži od Vlade Federacije BiH da poslije provedene javne rasprave tekst zakona kojeg ona usvoji dostavi ESV-a na razmatranje.**

Pozivajući se na zaključak sa prošle sjednice Ekonomsko-socijalnog vijeća kada je na osnovu dogovora sa premijerom Vlade FBiH Mustafom Mujezinovićem donesen zaključak da se organizuje zajednička sjednice Vlade FBiH i članova ESV-a, socijalni partneri traže objašnjenje premijera iz kojih razloga do sada nije realizovan ovaj zaključak.

Sjednica Ekonomsko-socijalnog vijeća zaključena je u 18.45 sati.

Naredna, redovna sjednica Ekonomsko-socijalnog vijeća zakazana je za 23.03.2010. godine, sa početkom u 16,00 sati.

Predloženi dnevni red je:

1. Usvajanje zapisnika se prethodne sjednice ESV-a;
2. Prednacrt Zakona o plaćama i naknadama u organima vlasti FBiH;
3. Prijedlog Zakona o ESV-u;
4. Poslovnik o radu ESV-a;
5. Informacija o prisustvu socijalnih partnera sjednicama ESV-a.

Zapisnik vodila i sredila  
Elmedina Šehović

Predsjedavajući  
Ekonomsko-socijalnog vijeća  
Edhem Biber